

Nélida Zaitegi, Presidenta
Xabier Aizpurua
Josean Bueno
Ainara Ibañez
M^a Teresa Ojanguren
Begoña Pedrosa
Ismael Redondo
Eva Blanco, Secretaria Técnica

19/01 IRIZPENA

Euskadiko Eskola Kontseiluaren Batzorde Iraunkorraren 2019ko urtarrilaren 30eko bilkurara bazterrean aipatutako kideak joan ziren. Batzorde horrek adostasunez eman du ondoko irizpena: **espezializazio profesionaleko bost programa ezartzen dituen Dekretu proiektuari buruzkoa.**

I. AURREKARIAK

Kualifikazioei eta Lanbide Heziketari buruzko ekainaren 19ko 5/2002 Lege Organikoa, zeinaren helburua baita lanbide-heziketaren, kualifikazioen eta egiaztapenen sistema integrala ordenatzea, hala, eraginkortasunez eta gardentasunez erantzun ahal izateko gizarte- eta ekonomia-eskariei, hainbat hezkuntza modalitateen bitartez. Horrez gain ezartzen du funts publikoekin sostengatutako prestakuntza eskaintzak bizitza osorako prestakuntza ahalbidetu behar duela, eta espektatiba eta egoera pertsonal eta profesional desberdinei egokitu behar zaiela.

Lan esparruan, Autonomia Estatutuaren 12.2 artikulua ezartzen duen bezala, Euskal Autonomia Erkidegoko Administrazio Orokorrek dauka Estatuko legeria betearazteko eskumena, batez ere langileen kualifikazioa eta prestakuntza integrala sustatuz.

Otsailaren 26ko 32/2008 Dekretuak -Lanbide Heziketako Hezkuntza Sistemaren antolamendu orokorra ezartzen duena eta otsailaren 2ko 14/2016 Dekretu bidez aldatu zena- Euskadiko lanbide espezializazioko programak ezartzen ditu Lanbide Heziketaren esparruan eta beren balioa aitortzen eta akreditatzen du indarrean dagoen araudi markoaren barruan.

2016ko uztailaren 27ko Aginduaren bidez espezializazio profesionaleko zazpi programa ezartzen dira, eta baita ere horiek baimentzeko eta irakasteko baldintza orokorrak.

II. EDUKIA

Dekretu proiektu honek artikulua bakarra eta bi azken xedapen ditu. Era berean, eranskinetan jasota daude espezializazio profesionaleko bost programen egitura.

Artikulu bakarrak ezartzen du Dekretuaren xedea dela programen egitura ezartzea.

Bigarren atalak arauaren xede diren programen zerrenda ematen du, eranskinetan garatzen direnak:

I. eranskina: Alanbre- edo tutu-konformazio bidezko produktuen diseinua eta fabrikazioa.

II. eranskina: Industria aeroespazialerako pieza aeronautikoen fabrikazio aurreratuko espezializazio-programa.

III. eranskina: Sukaldaritza adimenduna, sukaldaritza jasangarria

IV. eranskina: Kalitate-kontrol metrologikoa

V. eranskina: Lagundutako kudeaketa eta planifikazioa industria-muntaketako prozesuetan (DEMAI)

Hirugarren atalak ezartzen du zeintzuk diren espezializazio horiek irakasteko baldintzak: otsailaren 26ko 32/2008 Dekretuaren 12ter artikuluan jasotakoak, bai eta uztailaren 27ko Aginduan ezarritakoak, zeinetan ezartzen baitira espezializazio profesionaleko zazpi programak eta horiek baimentzeko eta irakasteko baldintza orokorrak.

III. BALORAZIOAK

Kontseiluak 16/03 Irizpenean eman zuen espezializazio profesionaleko zazpi programa eta horiek baimentzeko eta irakasteko baldintza orokorrak ezartzen dituen proiektuari buruzko iritzia. Ondoren, 18/06 irizpinean, espezializazio profesionaleko lau programa berriei buruzkoa iritzia eman zuen. Beste aldetik, 2017ko abenduaren 23ko Aginduaren bitartez espezializazio profesionaleko bost programa ezarri ziren, baina agindu hori ez zen bidali Kontseilu honetara.

Agindu proiektu honek aipatutako bost programen egitura onartzen du, baina ez du aldaketarik egiten horiek baimentzeko eta irakasteko baldintzetan. Eranskinetako programetan 32/2008 Dekretuko egitura eta atal berdinak ageri dira.

Arautegian eta zioen adierazpenean jasota denez, "Halaxe ziurtatutako programek, edonola ere, ez dute titulu edo ziurtagiri akademikoa, lanbide-ziurtagiria edo ziurtagiri partzial metagarria emango, eskumen horiek Kualifikazio Profesionalen Katalogo Nazionalean sartzen ez diren bitartean".

Horregatik, Kontseiluak ez dauka eragozpenik programa horiek arautzeko, eta espero du beren helburua beteko dutela, hau da, pertsonen enplegarritasuna hobetzea. Horregatik eskatzen du egin dadila emaitzen jarraipena eta ebaluazioa.

Irizpen hau zure erabakiaren menpean geratzen da.

Bilbon, 2019ko urtarrilaren 30ean

IDAZKARI TEKNIKOA

Sin.: Eva Blanco Ochoa

Ikus-Onetsia

LEHENDAKARIA

Sin.: NÉLIDA ZAITEGI DE MIGUEL

HEZKUNTZA SAILBURU ANDREA